

տեարց, եկեղեցոյնք և աշխարհականք, և բազում աղա-
 չանօք և դառն արտասուօք աղաչէին զնոսա, տարի մի եւս
 համբերել. և նոցա գթացեալ յարտասուս նոցա՝ թէպէտեւ
 լուսն պաղատանաց նոցին, բայց խնդրէին երաշխաւորս :
 Դիմեալ նոցա առ Յովհաննէս վարդապետ, աղաչեցին զնա
 յանձն առնուլ զայն երաշխաւորութիւն, եւ տարան զնա
 'ի դատարան, զի անդ էին ժողովեալ ամենայն պարտա-
 տեարք : Տեսեալ նոցա զՅովհաննէս վարդապետ, հաւա-
 նեցան ընդ նա, եւ ընկալան զերաշխաւորութիւն նորա,
 և առին 'ի նմանէ զմուրհակ օրինօք դատարանի այսպիսի
 սրայմանաւ, թոյլ տալ նմա ամս և . և ինքն ամ յամէ փոքր
 փոքր վճարեսցէ զամենայն պարտան :

Եւ ապա առեալ տարան զնա հանդերձ միաբանօք առ
 Բդեկսն . պատմեցին նմա զդաշն զոր եղին՝ ցուցանելով
 զմուրհակն Յովհաննու : Եւ Բդեկսն հաճեալ ընդ այն, գո-
 վեաց զՅովհաննէս վարդապետ, և զգեցոյց նմա վերարկու
 պատուոյ եւ արձակեաց 'ի վանս . եւ ինքն դրեալ ծանոյց
 զայս ամենայն 'ի Դուռն : Դարձ արարեալ անտի Յովհան-
 նու 'ի վանս՝ ժողովեաց զմիաբանսն, և յուսողբական բա-
 նիւք քաջաւերեաց զնոսա չվճատիլ, և սկսաւ խորհիլ ընդ
 նոսա, յորոց միջի էր եւ Հաննա վարդապետ, որ պատմէ
 զայսոսիկ, և դտեալ զհասարակաց կնիք վանաց, խորտա-
 կեաց զայն, զի ամենայն Տեղակալք զմուրհակս պարտուց
 նովին կնքով կնքէին, և կոչէր կնիքն այն Օբթայ Բեհեբէն,
 յորոյ վերայ գրեալ կայր անուն վանաց Ս . Յակոբայ :

Զայս այսպէս արարեալ Յովհաննու վարդապետի, եւ
 'ի կարգի եղեալ զիրս վանաց՝ եւ և գնաց 'ի Կոստանդի-
 նուպօլիս (1718), եւ մատուցեալ առ մեծամեծս Հայոց,
 ծանոյց նոցա զամենայն ինչ, եւս և զերաշխաւորութիւն
 իւր, և նոցա հաւանեալ զովեցին զնա, և հնարէին 'ի գը-
 լուխ տանել զիրսն : Իսկ Յովհաննէս վարդապետ յայտ
 արար նոցա եւ ասէ . այն վճարումն պարտուց ոչ ինչ օգ-
 տէ Աթոռոյն, բայց եթէ գիցի եւ յայն Աթոռ առանձին
 յատուկ Պատրիարք, որպէս էր յառաջագոյն, զի հայրապետ-
 նամ գթով հոգ տարցի այնմ :

Հաւանեալ այսմ մեծամեծացն Հայոց, յաւուր միում
 ժողովեցան առ նա, յորոց միջի երեւելի էր Ակնցի երե-